

REGLUGERÐ

um orlof grunnskólakennara og stjórnenda grunnskóla samkvæmt lögum nr. 63/1974.

1. gr.

Um orlofsumsókn.

Umsókn um orlof skal vera á eyðublaði sem menntamálaráðuneytið lætur gera. Umsókn um orlof á næsta skólaári sendist ráðuneytinu fyrir 1. október. Í umsókn skal taka fram eftirfarandi:

- Tilgreina skal menntastofnun og námsgrein eða námsgreinar þegar um er að ræða reglulegt nám. Sé um að ræða námsferð, skal taka fram á hvers vegum ferðin er farin, hvert fara skuli og í hvaða tilgangi.
- Hvort umsækjandi hefur sótt um eða fengið styrk til fararinnar frá öðrum en menntamálaráðuneytinu.
- Hvort umsækjandi hefur áður fengið orlof eða styrk frá menntamálaráðuneytinu eða fyrir milligöngu þess.
- Hvort umsækjandi hefur áður sótt um orlof en ekki fengið.
- Aðrar upplýsingar sem beðið er um á eyðublaðinu eða umsækjandi telur skipta máli.

2. gr.

Skilyrði fyrir veitingu orlofs.

Umsækjandi sem æskir orlofs skal fullnægja eftirfarandi skilyrðum og skuldbindingum:

- Hafa gegnt kennslustarfi í 10 ár samtals, þá eigi minna en hálfu starfi, settur eða skipaður til að fá orlof allt að einu ári með föstum launum.
- Hafa gegnt kennslustarfi í 5 ár samtals, þá eigi minna en hálfu starfi, settur eða skipaður til að fá 2–4 mánaða orlof með föstum launum. Heimilt er að nýta slíkt orlof sem afslátt af kennsluskyldu.
- Launin á orlofstímanum skulu miðuð við meðalstöðuhlutfall umsækjanda, þau ár sem hann hefur verið settur eða skipaður.
- Umsækjandi skuldbindur sig til að starfa að skólamálum eða kennslu á vegum ríkisins a.m.k. þrjú ár að orlofi loknu.
- Orlofsþegi skal senda menntamálaráðuneytinu skýrslu um störf sín og nám á orlofstímanum innan 4ra mánaða frá því að orlofi lauk. Skýrslan skal miðuð við að unnt sé að birta hana síðar og áskilur ráðuneytið sér rétt til þess.

Enginn getur fengið hærri fjárhæð í orlof en nemur tveggja ára föstum launum á starfsævi sinni.

3. gr.

Afgreiðsla umsókna.

Stefnt skal að því að afgreiðsla orlofsumsóknna vegna næsta skólaárs fari fram fyrir lok desembermánaðar ár hvert.

4. gr.

Orlof í sérstöku skyni.

Menntamálaráðuneytið getur auglýst eftir umsækjendum til að leggja fyrir sig sérstakt tiltekið nám gegn veitingu orlofs og/eða styrkja.

Umsækjendur um slíkt orlof og/eða styrki skulu fullnægja þeim skilyrðum sem tilgreind eru í 2.gr., liðum b-e.

5. gr.

Um styrki veitta af orlofsfé.

- a) Af fé því sem veitt er í fjárlögum hverju sinni til orlofs grunnskólakennnara og stjórnenda grunnskóla er ráðuneytinu heimilt að veita styrki þeim sem orlof hafa fengið sbr. 40. gr. laga nr. 63/1974 um grunnskóla 3. mgr. Einnig er ráðuneytinu heimilt að veita grunnskólakennurum og stjórnendum grunnskóla styrki vegna viðbótar- eða endurmenntunar þó þeir hafi ekki fengið orlof, enda fullnægi þeir a.m.k. þeim skilyrðum sem greind eru í 2. gr., lið b. Umsóknir um slíka styrki skulu hafa borist ráðuneytinu fyrir 1. mars og skal þar greina ástæður fyrir umsókninni t.d. kostnað vegna ferðalaga, skólagjöld, húsnæðiskostnað o. fl. Menntamálaráðuneytið lýkur afgreiðslu þeirra styrkumsókna fyrir 1. apríl.
- b) Menntamálaráðuneytinu er heimilt að veita af orlofsfé því sem veitt er í fjárlögum hverju sinni afslátt af kennsluskýldu. Miða skal kennsluafsláttinn við stöðuhlutfall og umfang þess náms sem umsækjandi hyggst stunda, enda fullnægi hann þeim skilyrðum sem greind eru í 2. gr., lið b.
- c) Menntamálaráðuneytið getur eitt sér eða í samráði við aðra aðila efnt til allt að 3ja vikna námsferða með hópum kennara á þeim árstíma sem skólar starfa ekki og veitt til þess styrk af orlofsfjárveitingu sem nemur allt að $\frac{2}{3}$ af áætluðum ferða- og dvalar-kostnaði þeirra kennara sem þátt taka í slíkum ferðum, enda fullnægi þeir þeim skilyrðum sem greind eru í 2. gr., lið b.

6. gr.

Um missi orlofsfjár eða endurgreiðslu.

- a) Vanræki orlofsþegi að skila skýrslu um nám sitt og starf á orlofstímanum sbr. 2. gr., e-lið og/eða að orlofi hafi ekki verið varið varið eins og lög og reglugerð mæla fyrir um, getur það varðað launamissi fyrir orlofstímabilið svo og endurgreiðslu styrkja. Ef menntamálaráðuneytið ákveður að endurheimta laun og/eða styrk orlofsþega skal krafa um það gerð innan eins árs frá lokum orlofstímabils.
- b) Hætti orlofsþegi störfum að kennslu eða öðrum skólamálum áður en 3 ár eru liðin frá lokum orlofs og án þess að knýjandi ástæður séu fyrir hendi, getur menntamálaráðuneytið krafist endurgreiðslu á orlofslaunum og/eða styrkjum í hlutfalli við, hve lengi orlofsþeginn hefur starfað að orlofi loknu. Áður en ákvæði þessu er beitt, leitar ráðuneytið eftir rökstuddri greinargerð orlofsþega um ástæður fyrir því að hann hætti störfum og einnig skal leita umsagnar nefndar þeirrar er starfar samkvæmt 8. gr. þessarar reglugerðar. Réttur ráðuneytisins til endurheimtu fyrnist á einu ári frá því að ráðuneytinu var tilkynnt um brottför úr starfi.

7. gr.

Um skiptingu orlofs.

- a) Þegar sá sem fengið hefur tveggja til fjögurra mánaða orlof samkvæmt 2. gr., b-lið hefur náð 10 ára starfsaldri, getur hann aftur sótt um orlof í allt að eitt ár.
- b) Sá sem starfað hefur í 10 ár og fengið orlof samkvæmt 2. gr., a-lið getur skipt því.

8. gr.

Um úthlutun orlofs, styrkja og kennsluafsláttar.

Fimm manna nefnd sem menntamálaráðuneytið skipar gerir tillögur til ráðuneytisins um úthlutun orlofs, styrkja og kennsluafsláttar. Nefndin skal þannig skipuð: Tveir skipaðir af ráðuneytinu án tilnefningar og skal annar jafnframt vera formaður nefndarinnar, þrír

skulu skipaðir samkvæmt tilnefningu Bandalags kennarafélaga. Skipunartímabil nefndarinnar er 4 ár. Nefndin skal m.a. taka tillit til eftirfarandi atriða:

- a) Hvers konar nám umsækjandi hyggst stunda og hversu það muni nýtast viðkomandi stofnun eða skólakerfinu í heild.
- b) Hvort umsækjandi hafi áður lagt fram fullgilda orlofsumsókn en ekki fengið eða getað notað sér orlofið. Að öðru jöfnu skal sá ganga fyrir sem áður hefur sótt.
- c) Nefndin metur í hverju einstöku tilfelli, hvort starfsaldur skuli ráða röð annars jafngilda umsókna.
- d) Að jafnaði skal ekki veita orlof samtímis tveim eða fleiri starfsmönnum sömu stofnunar.
- e) Sæki hjón sem bæði fullnægja orlofsskilyrðum um orlof samtímis samkvæmt 2. gr., a, b og c-liðum, má veita báðum orlof, enda meti ráðuneytið gild rökinn fyrir því að bæði hljóti orlof samtímis. Ákvæði d-liðar hér á undan skulu ekki taka til hjóna.

9. gr.

Yfirlitsskýrsla um orlofsveitingar.

Að lokinni úthlutun orlofa gerir menntamálaráðuneytið skýrslu um orlofsveitingar og skulu þar m.a. koma fram eftirfarandi upplýsingar um orlofsþega.

- a) Nafn, kennitala, kennsluferill og vinnustaður.
- b) Lengd orlofs.
- c) Áður fengið orlof.
- d) Hvar og hvernig áætlað er að verja orlofinu.
- e) Tölulegar upplýsingar um heildarþjárfreitingu til orlofs, styrkja og kennsluafsláttar svo og fjöldi orlofsumsókna á orlofsárinu.

10. gr.

Reglugerð þessi sem sett er samkvæmt heimild í 40. gr. laga nr. 63/1974 um grunnskóla, sbr. einnig 87. gr. sömu laga, öðlast þegar gildi.

Jafnframt fellur úr gildi reglugerð nr. 62/1975 um orlof kennara og skólastjóra.

Menntamálaráðuneytið, 23. ágúst 1988.

Birgir Ísl. Gunnarsson.

Sólrún Jensdóttir.

5. september 1988

Nr. 428

AUGLÝSING

um umferð í Reykjavík.

Samkvæmt heimild í 81. gr. 2. mgr. umferðarlaga nr. 50/1987 og að fenginni tillögu borgarráðs, hefur verið ákveðið:

Einstefna verður á Baldursgötu frá Óðinsgötu að Freyjugötu og að skábílastæði verði á sama kafla að suðaustanverðu.

Ákvörðun þessi tekur gildi 3. október 1988.

Lögreglustjórinn í Reykjavík, 5. september 1988.

Böðvar Bragason.